

理學

宋

程時登字登庸金山鄉人自少慕義理之學聞董盤澗得朱子之傳而鄉鄰程古山學于盤澗者因往師之搜探幽微會博於約學底於大成咸淳甲戌寇擾中原朝廷不廢科舉舊制合江東九路士試之時登哀然首舉明年登太學又明年而宋鼎移矣歸杜門謝游客四方請益之士常輻輳盈席一時名流多出其門元訪遺才每物色之輒謝去天曆戊申卒于家所著書詳見遺書志馬端臨銘曰易吞三畫史著千年涵而揉之我輩我研許瑤狀曰安行守素不肯屑就專務精思力踐上沂濂洛之源稽今博古啟迪來遊之士講貫琢磨鏃礪括羽俾之從容涵泳以求積久

通貫之功操存持養以取任重詣極之效於是大有所成
就焉祀鄉賢

吳中字中行號準軒靜里鄉人早慕伊洛之學聞雙峯饒魯
得考亭朱子正緒往從之游盡得其緒論體認精詳參酌
嚴密季世隱而不仕名藉藉當世部使者稅駕其門因質
曰論語言心凡幾等公應聲曰簡在帝心天地之心也從
心所欲不踰矩聖人之心也其心三月不違仁亞聖大賢
之心也飽食終日無所用心衆人之心也使者愕然嘆服
惜其嘉言善行不盡行于世祀鄉賢

元

朱公遷字克升永豐鄉人父梧岡聞全邑準軒吳中行得朱
子門人黃幹之學于饒魯遂往準軒學焉至正初徵至京

師授翰林直學士院勸帝親賢遠佞修德卹民諸事當國者悉其切直章七上乃出爲金華學正于經傳百家之書禮樂律歷制度名物之數無不通貫悉究用力于聖賢之道以正心誠意爲學真知實踐爲功天性仁孝勤于著述註釋四書經傳極其精確而又善于訓迪從學者常數百人學士黃潛寂少許可一見公遷特加敬愛稱其道德文章卓然名世所著見遺書志大全性理疏義諸書并著有詩經疏義祀鄉賢

明

王逢字原夫懷義鄉人幼穎異不凡天性孝友比長默契禮義之學師事野谷洪初初之學得于朱公遷遷得之于準軒吳中行準軒得之雙峯饒魯道脉所自逢以心會焉乃

